



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

- vñ kom ich dar die luite sint
 So bin ich thummer den ein kint.
 43, 20 Vrolich armut
 daz ist groz richtum ane gut.
 118, 17 hee insal nicht sin ein thummer man
 der samftez leben tragen kan
 57, 18 zv gute manik witze hat
 der sich zu den eren nicht uorstat.

.XIX.

BEITRÄGE ZUR DEUTSCHEN HAND- SCHRIFTENKUNDE.

VON PROF. DR. REUSS IN WÜRZBURG.

ZWEITE LIEFERUNG.*

1

Pergamenthandschrift des 11n Jahrhunderts, aus dem dominicanerkloster zu Bamberg, jetzt in privatbesitze, bll. 104—115. aus derselben wurde bereits in der ersten lieferung (14) eine beschreibung des himmels und der hülle mitgetheilt. die abschrift schließt sich genau an das original an, dessen fehler unberichtigt blieben.

Vera fides.

Ihc firsago demo tivuale. allen sinen werchan. und allen sinen gicieridon. Vnde uir giho dir trohtin got alemachtige skalclicher gihorisami. nâh diû so du mih giwerdest wisen. durh diê dina alemachtigan gnada. Ich glôube uaste trohtin got alemachtige. nu hilf aber du uile gnadiger herre. al min unglouêbe. Ich gloube in der allichun cristinlichun glouêbe. daz der alemachtige uater unde der sin einborne sun. unde der uon in zweîn uram uarente heiligoste geist ein warer lebente trohtin got ist. An der heiligin trinemmide glôb ich und êren. unde giho uasto eina ebenselbwesenti. und ander einun gotelichun ebenselb ewigun einselbwesendi gloub ich. und eren.

* erste lieferung bd 3 s. 432.

unde giho uasto mit ungisceidener ebenselbgliche. diê uile heiligun trinemme. Ich gloube diê heiligun tribinemmede an demo ungisceidenen ein wesente. an ein andera unuirwehsellichi unde uncisamine gemisciliche. Ich gloubo eina gotheit eben gliche goutlichi. eben ewige maginkraft. eina uurst wesende. natura. ungesceidena werchunga. ein almah-tige. eina eben ewigheit des uater. unde des sunes. unde des heiligosten geistes. Den einan waren trohtin got alemah-tigen. gloub ich uor allen werlthitan do hie wesenten. unde gloubo in an ewa iemer ane einde wesenden. Den got gloub ich unerrahlichen. unmez michilen. ebenselb gaginwartigan. un-endigen. olanglichen allen in aller steteglich. an aller stete biuangingheit. ebenselbwesentan. Den got einan alemah-tigen gloub ich sceppfare himilis und erde und alles des der ist ane sin selbes. Ich gloubo daz der gotes sun durch den dir al gitan ist svaz giscaffines ist unde der dohie eben ewicliche uone sinemo heiligin uater giborn was. unde der uone imo einen waren gote. do hiê ware got was. unde der uone imo einen waren liechte daz eben wesente ware licht was. daz er uone himile hera nider an erda quam. unde uone demo tougenen werche des heiligosten geistis uone dero kiuskistun magide scâ. maria. an sih ginam ware unsunthafta. alla menislicha natura. Vnde gloubo daz diû sin gotelicha natura geinsamot wart der menislichun in der magidlichun wamba. und daz die zvo nature an imo sint. an ein andera unzisamine uirmisceta. So glöb ich daz des gotes sunes suanger wart diû sin kiuskista möter magid ewiga scâ maria. und daz er an aller sverodono wê uon iro mennisclico gi-born wart. iro iê wesente einer unvirwartun êwigun magide. bediûsament durnohte got. und durnohte mennisco. Vnde glöbo daz er an den zvein naturis ist an einer der binnemmide. diu dir ist einer Xps. Ich gloubo daz der haltente xpc an dirre werlte lebete als ein ander mennisco. âz. tranc. slief. hungerota. dursta. dôuita. weînota. suizta. unde arbeitennes ni deta. und er ni hie ni gisundota. Ich gloubo daz er gi-touffit wart do er drizzig iar alt was. in iordane uone sco iohanne. und er sa cistunt in demo einode geuasteta unez-zente samint uierzig taga. unde nahta. und er da bichorot wart uone demo unreînesten gciste. unde daz er imo do er-

welita zwelf iungeren. unde andera maniga diē er uor imo
santa den liūt toufente unde bredionte in aller stetegilich dar
er selbo chomente was. Ich gloubo diu unzalehaftin sinu ze-
chen. unde wnderkrefte. ioh lēra also diē uier euangeliste
cellent. diē er nah demo sīn selbis toufe in drin iārin unde
in zvein min ahzig tagen hiēr in erde giworhta. Ich gloubo
daz er uone iuda sīnemo iungeren uirraten wart. gībunden
wart. gispūen wart. gihalslagot wart. biuillit wart. an des
crucis galgan ginegelit wart. und er an dēre martire irstarb.
Ich gloubo daz diū sīn heiligosta sēla do uone demo licha-
man zi hello nider uōr mit der sīner gotelichun krefte. daz
er dannan lōsti alle sine irwelitan. Ich gloubo daz er also
tōter in sina sītun giwndot wart. unde sament da ūz flōz
blōt unde wazzer. Ich gloubo daz sīn līchamo abe demo cruce
ginomen wart. und er bigraben wart. unde an demo drittin
tage diū sīn heiligosta sēla ci demo lichamen widere quam.
und er do erstōnt uone demo tode. mit sin selbes krefte.
und er sinen iungerōn wīben unde mannan irscein und er
ingoūgta unden manega wīs biwarta die wārheit sīner ur-
steindide. Ich glōbo daz er uone demo tage sīner urstendide
an demo uierzigosten tage ci himile uvōr sinen iungeron ana
sehenten und er do saz zi der zesuūn sīnes uater. gotes ale-
mahtigan unde daz er rīchisot in der gōtlichī der sīner ua-
terlichun ēwigun eben magin krefte. Ich glōbe daz er noh
dannan chumftig ist in demo iungisten tage cirteillenē lebente
unde tōta. ubela unde gōta. reht urteildāre nah iro giwrhtan.
Ich gloubo heiliga. einun. allichūn botelichūn xpīnheit. unde
gemeīnsami aller gotis heiligon. unde giho eīna toufi in den
antlaz aller slahte sundon. Ich glōbe diē allichūn wārūn ur-
stendide meinniscinis chunnis in demo iungisten tage. unde
glōbo denne daz rehtista gotes urteila. Ich glōbo daz denne
aller mennisglich uure sich selban gote reda gēban sōl suie
ser gilebet habe wōla alder ūbelo. unde daz imo dar nāh
gilōnot werde. Herro got alemahtige ich glōbo an durnohter
bicherida. und an stater rehter riūwa und an der wārūn bi-
gihta. aller slahte sundon ioh meintaton. uollen giwissen iōh
wāren dinen antlaz. nah demo giheiz zinan uestin gidinge.
der unsih gihalten toige der alemahtigun gnāde. Ich gloubo
ube mennisglich nah wārer sīner bigihta die suna noh die

meintat uurder ni gauerit. noh er andera meintat uvrder ni giwreht uber rehto riûonte. unde stâtliche buozzente sos imo uone gote denne giboten wirt. und er so lebente disan gagingwartigan lib uolle uirendot. daz imo diheîn sîn ubeltat an demo iungisten tage da giwizzen ni wirt. Alsamo gloub ich daz alle menniscin. an den diê meîntatlichun sunde ioh die hoûbethaftin achuste uolle girichisont und uolle wônent. unde siê an iro not diêniste umbicherto ioh unwarliche riûonte disan lib uolle uirendont. daz diê uone rehtemo gotes urteilde denne uir uluohte uarent mit demo tiûuele ioh mit allen den unreinen geisten in daz êwiga uivr der helle. Ich gloubo daz alle reht gloubige unde rehte lebente menniscen unde alle diê der durnohtliche uon unrehte ci rehte sich bichêrent unde diê dir rehto riuonte disan gagingwartigen lib uolle uirendont daz die giseginôto aber denne ci demo êwigen himilrîche uarent. Ich glôbo alle diê wârheit des heiligen ewangelien. unde aller der heiligen scrifte unde allez. daz der hôrit ci rechter glôbo daz gloub ich uasto nâh dên gotes gnadon. Vnde al daz wider ist der rehtun gloubo daz lôgiu ich noh daz ni gloub ich. Sus gloub ich trohtin got alcmachtige. aber hilf tu uile gnadie herro al min unglouba ;

Pura confessio.

Nune hab ich uile sundige mennisge leidir mir niheina wîs rehto xpînliche in gu'temo lebenne diê heiligûn glouba so giweret noh bihalten. unde habe al mit den werchan leidir mir uirloûinet. suessich uiriehen habo mit der gloube wôrten. Nu wande ih uaste gloubo an warer bigihta. unde wand ich gitrûen in wârer riûwa nah dîner gnâdon miltide wâren dînan antlaz. nu flîûh ich abtrunne der heiligen gloubo unde aller rechter werchunge ci demo uile miltin barmeder dîner alemachtigûn irbarmide. unde bitte uone herzan daz du gnâdône uater. unde du got âlles trôstis mir sundigôstemo unde meintatigistimo uber alle meîntaten nu giwerdest gilâzen durch diê dîna alemachtigun erbarmida unde gnâda stâte bicherida. wâra bigihta. unde aller miner sundon durnohte riûwa. unde wande du uile gnadie guisse gnâdig bist unde wande du allen dên gantlâzost. in allen iro sculdan suelehe rehte riûwiga gnadig sint unde gantlazzont iro sculdiôn unde

ube siê ouch girihte unde suona biêtant. so siez uerrost gimûgin. wider diê ouch sie sculdig sint. Vone diû bilazz ich uone herzan in daz selba gidinge nâh diû so du got alemah-tigô mir uerrost gilâst allen mînen sculdigôn unde wile gerno minna unde holtschaft giwinnen ube ich ez herro gimac unde scôl umbe alle wider diê ih sie leîdir mir uirworht habe. unde uone diû bigih ich nu dir gote alemah-tige unde dir aller gnâdone uater nah allen minen chunsten nah diu so du werdost ermanon min gihugide dir und allen dinen trutan aller miner sculdone. Ich habe leidir uirbrochen ioh firsumit alliu diniu gibot ioh dina êwa, in sunthafton willon gilusten gigeridon. giwizzidon. giuolgidon. giurumidon. in raten. gidanchen. worten ioh werchan. Ich bin leidir sculdig in allem ubermôte. in allem michilhohi. in allem achuste in maginkreft urechi. in adeles giluste. in twerdunga. in uirsmahide. in uirmezzenheite. in unhuldie. in hergiride. in giboten. in uberwanide. in giwaltes giride. in urlobiu. an uber hersonne. in unrôche. in urabalde. in ungnosami. in hohuertgie. in ungihorisami. an wider stritigi. in unriuua. in hartmôtigi. in ungirihte. in undienisthafti. in unmezzigheite. in allemo uberwillen. in ubersprahi in ubergiuazzide. in ubergibaride. an demo frauclen uberuange aller gotis ewa. Ich uereta noh ni giwirta mina vorderen. mina meistra. miniu hertuom. heithafta liute noh ni was in gitriuua. no nihein gotes hus den gotis lichamen. sin heilig bluot. die heiligun toufi. den geistlichen chrisamen. gotes dienast. die heiligun lera daz hera heiligtuom. niheina gotes wihida. uastitaga. uirretaga. andere herre dultaga. nihein heilic ding noh xpînlich noh gotelich hab ich so gêret so sich mit rehte scolta. Ich bin sculdig in allen offen sundôn. in aller gotis uirmanide. in maniger wirserungo mines ebenxpânin. und in aller undeumôti. Ich habe gisundot in uppiger guotlichi. in ruome. in unrehter anadahti. in loser ubercîeride. in wat-tiuride. in gimeitheite. an glichesunge. in aller bitrôgini. in aller lôsheite. in uppiger chaldige. in sunder ewa. in lobis giride. in einstritigi. in vuriwizgerni. in niugerni. in zuiualheite. in ungiwoniheite. in zoubere. in goûggile. in heilsite. in gitrugide. an demo uirwazzinen merselie. des gotis rehtis. in allemo tiuualheite. an aller gotis uirlouginide. und

an aller ungloubo. in tumwillige. in unrechter milti. an allem uberulizze. in lobis slihtelunga. in strutlera. in uberarbeite unde in allem uppigheite. Ich habe gisundot in nide. in urbunste. in hazze. in giuaride. in ellinunge. in aller bittirgheite. in ubil willigheite. an uirmeldungo in meinrate. in bisprachide. in murmelode. in missiwendigi. in argwanidi. in incithigi. an bichorunge. in aller untriuwa. in unchuste. in uirmaride. in uirrögide. in uirleitide. in bissvichide. in leitsamungo. in uiantsceften. in aller slahte gimuogide. unde tarehafti. in aller widerwarti. mines nahisten und in allen ubeltaten. Ich bin sculdig in sunthafter unfroude in sermuotigi. an uirtriuwida. in sarphsitigi. in unstatigi. in weihmuotigi. in blandini. in wescreie. in wöstin. in unrechter angiste. in trurigheite. in chlagasere. und in alles leides unmezze. unde missetroste. Ich habe gisundot in tragheite. in sumigheite. in senftigerni. in irrigheite. in unuirnunftigi. in ungiwizzide. in tumpheite. in allem unrate. in slaffigemo muote. in abtrunnide. in muozzigheite. in uppichose. in allem bosheite. in unêrhafti. in uncitigi. in uirslaffini. in senftimo legere. in ungiwariheite. in agezzile. in aller undurnohti in unundirsceidunge. an demo unulizze aller guottate. und in aller unfrumigheite. und daz ich mino fillole ungilêret habe die heiligun glöba. Ich habe gisundot in zorne. in abulgide. in tobimöta. in frauili. in ursinnigheite. in unredilichi. in lastere. in gibage. in honchose. in gahunga. in unwizzin. in unêre. in raffunga. in strites machunga. in wigis gisturme. in ulöchin. in racha. in allem ungidulte. in allemo ungizumfte an bistumilonne. in bliuwatun. in manslahte. gitate ioh willen. in manigem mortode. in uirgifte. in grimigheite. in tierlicher sarphi. in razzi. in meineide. in aller durhahtungo. in ungifridesami. in sceltungo. in gibrahte. in allem ungezame. in unstuomsami. in allem unmanaminte. an ungimeinsami. und in aller florinheite. Ich bin sculdig in scazgirida. in rihtuomes urechi. in abgot gobide. in heidinscefte. in meinstala. in dubinon. in unrehtemo helenne. in notnama. in scahtuome. in brande. in rôbe. in allemo harmilsame. in wochere. in ubirchoufe. in argheite. an uirzadilinne. in betelonne. in scantlichemo giwinne. in unrechter wala. in girigheite. in sunthaften meiton. in sunthaften sor-

gon. in sunthaften wüscen. in bituwnginheite. in pfraginungo. in ungitriuheite. in biscrenchido. in uberwortile. in uirdamnungo. in uberteilide. an erlogenemo urchunde. an urdanchin. in manigualten luginon. in unrehter suntualga. in muotuirdeinchede. in aller unwarheite. miner antheize. miner reht einunge. in der binumfte. daz ich gilonot ni habe den ich sculdig bin. in allemo unrehte. in sarpfun antphange. in ungastlichi. in unerbarmidi. in unwola willigi. in unrehtemo trife. in unrawa. in uberarbeite. in unrehten wachôn. in ungimeinsami. an der uirsumide aller xp̃inlicher ehaldigheite. unde giwoniheite mines cehenten. anderes gotis geltes. und opferes. gastuomis. elemôsines. gibetes. rehter wache. uirre gotis dienestes. aller gotis banne. und aller woletate. unde minnon. und des rehtes ioh der helfe der ich sculdig bin allen minen ebenxp̃änen. Ich bin sculdig in gîtigi uberezzines. ubirtrinchinnes. in ungivagide. in unginuhte. in unsubrigheite. in unmezzigheite. und an uberwonide aller wnneluste. und aller der wolon des gilustigan ioh des girigan lichamen. in wirtsceften. in uehelicher satiheite. in scantlicher spûngo der girigun uberuulli. in aller slahte geilisungo unde wolelibe. und in werlt wnnē. und in aller slahte unrehter uroude. in huohē. in spotte. in allen ungibariden. in unzuhte. in uirchronide. in lugisagilon. in lugispellen. in huorlieden. in allen scantsangen. in hōnreden manigen. in uppispilen. in wnnespilen. in tumpchosen. in iagides lussami. in aller werlt minno. unde min selbes. in gotis hazze. und an siner widerhori. in allen minen sinnen. an minemo gisune. an miner gihoride. in minimo stanche. in minemo smacche. in miner brōride. an der unbihaltini heiliger uastun. unde kiuscer mezhafti. unde bin da mite sculdig aller werltlichi. ich habe gisundot in aller slahte huore. an huorgilusten. ioh in huoris gîgiridōn. an aller getilosi. an aller ungehebede. an aller unscamide. an êrlōsi. an huoris gispēsten. in huormachungo. in huoris gimeinde. in huoris giwizzide. in huoris unreinide. mit mir selbemo. mit mannen oh mit wiben. in uehelichemo huore. in sippuno huore. in manigemo meinhuore. in allen huorminnon. ioh in huorgibaridōn. an demo mortode des unsuangirtuomis. und an demo meinflōre ioh an dero girride miner giburte. in misseboran manigen an dere

biwollinheite manotlicher suhte. an unreinen untroumen. und an der girrida rehtis gihileiches. und in aller unreini und in unkusci mit diu mennisco in huorlichen meinen in diheîna wis sih selben biwellen mac. Ich ni habo bihalten noh rehto giweret in gote noh an minemo nâhesten die rehtun mînna noh rehta uriuntschaft. noh reht gidinge. rehte glouba. gotes forhta. sina gihorisami. deumôti. undirtani. rehte gidult. subirgheit. ciûsgî. wârheit. lob gnadigi. ebenbarmide. rehte baldsprahi. uestmuoti. mezhafthi. triuva. unstigi. wollawilligheit. miltide. dero achustone haz. dere tugidone minne. mamminti. rehtgerni. dancbaride. vureburtsami. dez libes mezfura. die werlt uirmanida. ungirida. suonefrido. den gotis andan rehta gibarida rehta zuht. rehta riuva. rehta buozza. reht weinon. rehta bigihta. unde bichêrida miner unzalehaften sundon. rehta anadaht. rehta einualti. geistlicha mandunga. rehta fruotheit. guot giwizza. des rehtes huota. wistuom. sinnigheit. guote chunst. ordenhafti den sculdigen huge aller gotis ewa reht ani zide. reht uorebilde. rehte lêra. reht undersecheidunga. rehten rât. langmôti. reht gisprachide. reht gisvigide. reht flizzigi. guotlistigi. einmuotigi. rehtgirihte. rehturteilide. rehtes urbot. rehten trost. rehta durnohti. Ich ni habo rehte bihaltin daz ambat noh den lib dar ich zuo ginamit bin. noh reht êra. noh rein herza. gihellesami. untarchafti. reht giwinnigi. reht haben. reht teilan. daz rehta dienest. reht meistirtuom. reht urlob. rehten antlaz. rehte site. rehta sorgsami. heiliga bruoderschaft. min reht gisezzide. noh min guot bimeinida. niheina reht werchûnga. noh nihein tuginhast leban. no nihein gotis gibot. noh sin êra noh niht in xpînlich göttat. sos ich mit rehte scolta. Nuni mag ich noh nichan mit herzan noh mit munde. mih so giruoehen. noh so uberteilan. noh dir trohtin got alemahthigê so uirrihan. so uerro sos ich sculdig bin. wande miner sundon unde miner meindatone der ist disiû werlt uol die sint leidir ubermez uber alla dusent zala. uber menniscen gidanc. uber engiliscan sin. Dir einemo herro sint si chunt. du eino maht sie uirgeban. du weist allez eino svaz an menniscen ist. Nu ruof ich uile gnadige got mit allemo herzan zi dir daz du durch dina guoti unde durh die dige der frown s̄cæ. mariun und aller diner trute mir gistungide gilazzist daz ich innig-

lichu biweinon ioh biwoffin. ioh bisuften muge. unde mit ten reinen trahinen nu gitoufan muge die unreinesten mina giwizzide uon allen minen sundon. unde uon aller der biwol linheite der sela ioh des lichamen. unde gila mir du uile gnadige got daz ich rehte riunte uone dir enphahe giwissen unde uollen den dinen tiuren antlaz unde den uvrder stäten willen des unsundonnis unde die tiurun statmuoti iemer reht werchis unde allis guoten lebennes. Amen.

2

Pergamenthandschrift des 15n jahrhunderts, mit 199 duodezblättern, früher eigenthum des regulierten chorherrenstiftes Heidenfeld am Main, nunmehr der königl. universitätsbibliothek in Würzburg.

bl. 1 — 10. deutscher kirchenkalender.

bl. 11 — 145. Regel der myndern brüder S. Francisci.

bl. 146 — 198. Di frag die man fuer halden sol den sterbenden menschen di weil er noch vernufft und gereden mag.

3

Bruchstücke in der königl. universitätsbibliothek zu Würzburg aufbewahrt.

a. vier folio-pergamentblätter des 14n jahrhunderts, zum einbände einer Mainzer incunabel verwendet. probe des inhaltes LXXIII. We des herscildes daruet de ne mach nemannes ordel scelden de ne herscilt heft. we ene halue houe heft eder vif scillinghe iarlikes geldes van sime heren de mach ordel scelden u. s. w.

b. zwei quart-pergamentblätter des 14n jahrhunderts, vom umschlage einer unterfränkischen gemeinderechnung. probe De gut hat in sinen were ane lenunge. Heuet en man gût in geweren sunder lenunge uan uoruntscap sines wiues oder kindes. oder let en man sinem brüder sin gût in sine were an des herren willen. vnde ane sine witscap. stirft de belende man de wile. iene de susgedane were dar ane heuet. sprich

he dar len an. dat ne mah he al ene up in heiligen niht behalden *u. s. w.*

- c. *zwei folio-pergamentblätter des 14n jahrhunderts, umschlag eines lehenbuches der pfarre Wiſentheid. sie beginnen* Wie man penninge slahen sal. Alle penninge sal man nit verslahen. wan so ein nûwer herre kemet. stirbet der herre aber oder wirt er verwandelt vor driu iaren. die penninge sullent doch gestan bit driu iar uz koment. *u. s. w.*
- d. *ein folio-pergamentblatt, mit dem ersten capitel des Exodus früher beschrieben, radiert und rescribiert im 14n jahrhunderte mit einer medicinischen abhandlung.* Ein fleumaten daz ist wazzerig und dunne. Die natürlichen colera daz ist rot und ist plutes clar. alz vil daz heizer ist als vil ist si auch roter *u. s. w.*
- e. *zwei kleine pergamentfalze einer schönen handschrift des 13n jahrhunderts. der erste falz führt am obern rande die aufschrift I(ncip)it dyalogus donati dragmaticus. und beginnt — s. quod S. Otto. Que. nomen. pronomen. verbum. adverbium — coniunctio. prepositio. interiectio. Diu tail der — der zunam — Daz tail. Div fyrsezung. div hinder — ein tail der rede bezai- chenute mit — u. s. w. beide falze wurden aus einer ornatrechnung des vormaligen hohen domstiftes zu Würzburg abgelöst.*
- f. *sechs pergamentstreifen mit homilien des 14n jahrhunderts, z. b.* Herre dine wisheit ist wunderlich getan uz mir si is gestreket und ich in mac nit zu ir vergan von dime geiste und ich vor vlin von dime antlize. stige herre ich an dinen den himel du bist do. valle ich an di helle. du bist do *u. s. w.*
- g. *zwölf duodezblättchen einer die psalmen enthaltenden pergamenthandschrift des 15n jahrhunderts.* Nicht enwif mich von dinem antlitz und nicht nim dinen heiligen geist von mir. Gib mir wider freude dines heiles und mit dim edeln geist festen mich *u. s. w.*
- h. *zwölf quartblätter einer schönen papierhandschrift des 15n jahrhunderts mit heiligenlegenden.* Sannt Calixtus er was ein cristen und hett got lieb und diente vlei-

fsiglichen tag und nacht mit vil guten wercken und sasse
bey dem wasser Tyberys und waren vil cristen bey
im an siner herberg *u. s. w.*

- i. papierfolioblatt des 15n jahrhunderts mit einem lob-
gedichte auf die heilige Maria in nicht abgesetzten
verszeilen, leider zur hälfte defect. Wer ist dü
sonne, in richer wonne, wer ist der — wer ist der
sterne glancze — herkoimen ist, herre jhesu christ, er-
lost uns — Maria muter unde mayt — gotlichir wunne
alezu hand u. s. w.*

- k. ein pergamentfals des 14n jahrhunderts.*

anfang: Und daz got die wazzer —
Und daz er wolte sundern —
Die obern von den undern
Daz merket an die got—
Und die erdischen gesch—
In der got uf die erde —
Do er die menscheit g—

schluß: — swanger und ir wolde
— sun zu muter gern
— sie solde gebern
— hohesten gotes gebot
— daz mensche und got
— die gotliche maht
— ungelauben naht.

- l. ein pergamentfals des 14n jahrhunderts mit drei la-
teinischen versen*

(Exsu)rge sede tu trolgast cito recede
—clina si sumis prandia bina
—trina spernit te mea coquina:

ZWEI LATEINISCHE GEDICHTE AUS DEM MITTELALTER.

*Die handschrift 56 der ehemaligen bibliothek des S.
Bartholomäusstiftes, jetzt auf der stadtbibliothek dahier,
Petri Trecensis historia scholastica, in folio, auf pergament,
aus dem 13n jh., enthält auf einem vorsetzblatte die beiden*